

南巡盛典

奏議

卷一百六之卷百八

784
1189
43



74
門
卷

南巡盛典

奏議

臣聞益頌聖神臯思襄贊又曰嘉謨嘉猷入告爾后此後世奏議所自昉也若夫巡狩之制舜典則敷奏以言明試以功周官則諸侯朝於方岳大彰黜陟古帝王考績宣風而明試重於肆覲黜陟布於明堂鮮不以拜獻之言為兢兢矣我

皇上澤潤生民知周萬物凡芻蕘一得皆可上陳



黼座以備

採擇而

堯觀禹省之歲

奏議尤加詳焉自辛未發其凡丁丑定其則由

是而壬午而乙酉內外諸臣各條列事宜廣

思集益以襄

懋典一切敷陳或秉承於

天語或籌度於臣心無不待命

睿裁上煩

批答

德意無弗逮也民隱無弗周也規制無弗備而經

畫無弗詳也謨本於

丕承治益隆於

丕冒所謂率

祖攸行咸正罔缺者也抑臣聞之聖帝明王欲得大

中至正措諸用人行政之間未有不屢省乃

成以致功崇業廣者是以我

皇上嘉惠南邦並及經行之地其諸

沛恩膏飭吏治興文教振戎行協神人而和上下
者在廷之臣與守土之吏合羣策羣力以奉
一人而

聖天子執兩用中遂爲禮度文之極軌垂諸萬世
而無弊嗣今

撫時臨幸以助以休均不越此樞機周密品式繕
具中矣而司事之臣得因

昌辰懋典忝對揚之末以附名於不朽又何多幸
焉謹錄

奏議第十二爲卷十五

奏議卷一百六

南巡盛典卷一百六

聖奏議卷一百六

兩江總督臣黃廷桂河道總督臣高斌漕運

總督臣瑚寶副總河臣張師載安徽巡撫臣

衛哲治江蘇巡撫臣雅爾哈善兩淮鹽政臣

吉慶謹

奏為輿情之望幸已殷時巡之典禮宜舉恭懇

聖恩俯賜

俞允以慰臣民仰望事竊惟省方肆覲聿昭

南巡盛典

卷一百六

奏議

一

盛世之宏規問俗觀風動關民生之休戚我
皇上勤求治理涵育羣生

清問不輟於宵衣民隱時陳於

黼座固已

德洋恩溥遍被寰區

厚澤深仁均霑海宇而江南一省民物殷繁首推

重地尤爲

聖心所眷注自十有四年以來教育生成蠲租減

南賦偶值偏災旱潦賑恤普逮窮簷大興水利

工程沮洳皆成沃壤凡所以爲民奠室家而

謀樂利者已無隱之不周無微之不至是以

羣情愛戴浹髓淪肌其瞻雲向日之誠亦倍

深於他省臣等採聽風謠諮諏輿頌咸以我

皇上民依厯念不憚勤勞前者西幸雲中晉水臺

山共仰光華之盛東巡泰岱青齊魯甸同霑

雨露之膏惟茲江淮之地帶水非遙獨不得

一邀

翠華之臨幸延頸企足朝夕以祈衆口同心歡迎

南巡盛典 卷一百六
二
恐後此實出於全省紳耆士庶之至誠臣等
不敢不以

上聞者也且江省襟帶黃淮素稱澤國河工疏濬
事宜關係民生運道年來固竭力修防而安
皇上瀾未能永奏至於水陸營制佈置雖周而操
防未爲盡宜士技難必精練一經

鑾輅親臨黃運河湖之全局江衝海汎之戎政悉
在

聖明睿照之中諸凡修守機宜操防要領臣等親

承

指示庶幾知所遵循籲懇我

皇上俯稽典禮下順輿情

恩賜俞允南巡江省覽三吳之風俗愜億兆之歡

心行見山川草木盡荷光榮營伍河防均叨

利賴臣等與合省臣民曷勝欣切瞻望之至

理合會

奏請

旨伏乞

皇上聖訓遵行謹

奏乾隆十四年九月十二日奉

硃批大學士九卿議奏欽此

大學士公臣傅恒等謹

奏爲輿情之望幸已殷時巡之典禮宜舉恭懇
聖恩俯賜

俞允以慰臣民仰望事該臣等會議得易載省方
詩歌時邁書稱五載一巡狩禮記天子巡狩
望祀山川陳詩納賈周禮王巡狩職方氏戒
於四方攷職事無不敬戒風俗通曰道德太
平恐遠近不同化幽隱有不得所者故自躬
親行之此典籍所紀皆以巡方爲大典也洪

惟

聖祖仁皇帝澤溢萬方

恩覃九有六十一年勤求治理

翠華臨幸時殷安阜之懷百千萬姓普被

洪仁綠野歡呼屢遍江淮之域恭查康熙二十三年

二月內吏科給事中王承祖疏請燔柴泰山

過孔林觀禮器九卿等議准奉

旨著候旨行九月由泰安登岱致祭乘舟至江南

閱隄工抵蘇州還

駐江寧

回鑾過魯

親謁闕里二十七年九月工部尚書蘇赫奏請

臨河指示修築二十八年正月奉

諭諏吉南巡閱視中河至浙江會稽三十八年正月

奉

諭黃淮爲患廷臣咸請親臨指示爲一勞永逸之圖

二月奉

皇太后啟行

親閱高家堰歸仁隄由蘇州

幸浙江四十年十二月河道總督張鵬翮疏請河工

甫就善後之策及應修之處請

親臨指示四十一年九月奉

諭昨年冬月河臣張鵬翮曾以河工善後之策及應

修之處請親臨指示茲當農事之隙輕裝南下自

徐州一路循視隄塘至德州

回鑾四十二年正月諏吉啟行

閱河工至蘇州杭州還

駐江寧四十四年正月奉

諭黃河工竣未經親閱今欲特莅其地減從輕裝循

河南下二月

駕發京師至張家灣登舟

閱河工至蘇州松江

幸杭州四十五年正月兩江總督阿山等奏稱高家

堰三壩等處河工在於泗州之西溜淮套開

河工程重大請

親臨指示四十六年正月奉

諭九卿集議再三陳請朕以諸臣之言奏聞

皇太后祇遵

慈命擇於本月二十二日啟行閱河舟楫往返不御室

廬至五月

回宮緬稽

巡省之鴻規具沛臣黎之

愷澤修防固而河清海晏永慶安瀾蠲賑頻而巷舞

塗歌齊聞擊壤采風詩則俊乂遂觀光之願

宏赦宥則吏民蒙解網之慈大川喬嶽聿隆

望秩之文古聖前王並修享祀之禮道路禁

修除之擾都衢戒侈麗之風凡茲一豫一遊

莫不以休以助是以涵濡西自南沐國兼漢

聖澤父老猶扶杖以翹思炳煥吉烈血飛誠而兼

天章泉石亦含膏而耀采此則之思邇守水巡曲盡

聖祖之屢巡允著

熙朝之盛典者也臣等稽史冊之成憲亘古為昭

誦

祖德之鴻休於今為烈欽惟我

皇上以孝法

祖以惠安民兩間之德同流四海之情必達不自暇
逸時省春秋晉地山河已燦卿雲於復旦魯
郊秩祀尤光俎豆於千年維彼江南素稱澤
國治河濬澮重興明德之思陸守水巡曲盡
衛民之術前此偏災偶告賑恤頻施旣而維
正輪蠲輸將盡免自東自西自南北罔非戴
高履厚之倫曰淮曰泗曰江河尤勤就日瞻
雲之願蓋受恩倍切宜望

幸彌殷此兩江督臣黃廷桂等所以有恭請

南巡之奏也且淮黃雖已底績其決排疏濬尚待
睿訓之提撕山海固屬救寧而聯絡巡防還祈

聖謨之指示此非徒封疆文武大吏願奉屬車之

清塵抑亦東南朝野諸臣冀迓

鑾輿於吉日應如該督等所請

示期巡幸用慰輿情龍蟠虎踞之山望

六飛而呼萬歲火耨水耕之衆迎

萬乘而祝三多水利修則旱澇無憂武備飭斯干

城永賴服先疇而食舊德盡歌

有道之長沐膏澤而詠勤勞永戴

皇仁之厚矣恭候

命下所有應行一切典禮及附近隣省經由道路

預備事宜俟奉有

諭旨臣等各該衙門另行詳議具奏請

旨遵行謹

奏請

旨乾隆十四年十月初五日奉

上諭恭載

恩綸

戶部謹

奏爲遵

旨議奏事

臣

等會議得福建道監察御史陸秩奏

稱江浙兩省錢米向來昂貴錢價每京平紋

銀一兩僅易大制錢七百文及六百八九十

文不等米價自上年撥賑東省之後每石賣

至三兩及二兩四五錢不等今歲年穀順成

始得平減我

皇上痼瘕在抱念切民依將來

翠華巡幸江浙萬姓歡呼統計隨

駕官員跟隨人役以及外府外縣各鄉各鎮雲集
省會之地不下數十萬人而江浙錢米止有
此數一時騰貴勢所必然查乾隆八年

駕幸

盛京

特頒諭旨將本地庫貯錢文設局官賣以平市價
現有成效可稽乞

勅諭江南督撫將運京銅劬酌留數十萬劬分發

江浙兩省錢局增加鼓鑄存貯司庫俟

聖駕臨幸屆期將一半設立官局減價變賣其餘
一半或我

皇上有賞賚兵丁人役之處卽將此項錢文給發
泉布流通市價不能昂貴再懇

聖恩將十五年冬季應兌辛未年漕糧江浙每省
截留十萬餘石亦於

聖駕抵江抵浙之時令該地方官裝載船隻在蘇
州之楓橋杭州之墅河減價平糶則米價亦

不致驟長以上二項只須運京脚費之需儘
敷減價官賣之數既於

國家倉庫無虧實與

巡幸地方有益等因於乾隆十四年十二月初二
日奉

硃批總理行營王大臣會同該部議奏欽此欽遵

於本月初四日抄出到部臣等伏查本年九

月兩江總督臣黃廷桂等恭請

皇上南巡經大學士九卿遵

旨議奏應如該督等所請

示期巡幸用慰輿情蒙

諭依議允從南巡之舉當在辛未年春欽此欽遵

在案今該御史陸秩奏稱將來

翠華巡幸江浙萬姓歡呼統計官員人役以及外

府縣各鄉鎮雲集省會不下數十萬人而江

浙錢米止有此數一時騰貴勢所必然乞

勅諭江南督撫將運京銅筋酌留數十萬筋分發

江浙兩省錢局增加鼓鑄存貯司庫屆期將

一半設局減價變賣其餘一半或有

恩賞以備給發泉布流通市價不能昂貴等語查

江蘇浙江現在開爐鼓鑄錢文充裕市價理
應平減至我

皇上臨幸江浙

駐蹕省會一時人數雲集恐錢價驟昂其設局平
備外賣之處自應預爲辦理查江浙兩省歲鑄錢
示牌文除搭放兵餉外每年俱存有餘錢浙江乾
隆十三年鼓鑄奏銷案內開報現在實存節

年餘錢三萬八千八百餘串江蘇乾隆十二
年鼓鑄奏銷案內開報現在實存節年餘錢
四萬三百餘串均未據報部動用再加十三
年以後至辛未年春約計兩省所存餘錢共
有十餘萬串以鼓鑄銅劬計算約用銅四十
餘萬劬已符該御史奏請酌留數十萬劬之
數毋庸將滇省額解京銅再爲截留應將前
項存貯錢文行令各該撫如數收貯以備應
用再查浙省本年報部收買銅劬有一百四

十餘萬觔江蘇有三十萬餘觔是現在銅數均屬充裕若再量爲增鑄備用更屬有益應令各該撫卽於現設爐座內酌量通融加鑄毋庸添爐以節浮費至屆期作何設局官賣之處應令各該撫斟酌妥辦務使錢價平減其沿途經過地方亦應預爲查辦毋使價昂至奏請應兌辛未年漕糧江浙每省截留十餘萬石令該地方官裝載船隻在蘇州之楓橋杭州之墅河減價平糶之處臣等伏思

聖駕臨幸江浙其隨從官員人役至各該地方需米必多米價難免昂貴若酌截漕糧減價平糶實與隨從之官役及各該地方之小民日食均有裨益應如所奏將江浙二省乾隆十五年冬應運漕糧內每省截留十萬石以備平糶至所留漕糧應截何屬米石並截留米石裝載船隻應在何處平糶應令總漕會同各該省督撫各按地方情形妥協辦理報部可也謹

奏乾隆十四年十二月十九日奉

旨依議欽此

兩江總督 臣 黃廷桂謹

奏為仰懇

聖恩賞員以資辦理

大差事竊查江省武職多係水師一切

大差既未曾身經亦無聞見凡有差委逐處茫

然難資分辨恐致驅策乏人未免掣肘查直

隸督標遊擊傅魁都司孫品候推守備王息

均在直省歷辦

大差奔走熟諳 臣 所深悉仰懇

恩鑒賞赴江南以資差遣如蒙

俞允其傳魁孫品係現任之員臣遇缺卽行請補

王息係候推之員如果辦差勤慎俟有守備

缺出另疏題補再查辦理差務任使尤須文

職江南有司各員殊鮮歷練今值

大差屢加飭示而應辦之事多無頭緒誠恐舛

悞關係匪輕必得一二熟諳能員到處指撥

方有裨益查署易州直隸知州朱奎揚才具

優裕堪以肆應前曾歷任江省風土民情素

所深悉辦理差務必稱熟諳此臣之所深知

者又德州知州周尚質老成幹練辦事實心

前任川省臣知之最切自陞調東省聞其辦

理

東巡大差甚屬妥協以上二員並懇

聖恩賞發南省協辦差務遇有缺出分別題補陞

署爲此恭摺奏請

皇上聖訓遵行謹

奏乾隆十四年十二月二十六日奉

硃批着照所請行該部知道欽此

署江蘇巡撫兩江總督臣黃廷桂謹

奏爲遵

旨籌辦鑄錢仰祈

睿鑒事竊查江蘇省寶蘇局鼓鑄青錢原設十六
爐座每年正勤二十八卯鑄出錢文向係每
月一成搭放各營兵餉繼因乾隆十一年銅
鉛不敷當經前撫臣

題准部覆暫停八爐止設八爐鼓鑄餉錢減爲
間月一成搭放俟銅鉛敷裕之日仍復八爐

照舊辦理等因續因蘇局銅鉛錫筋已敷十六爐座之用現在存錢無幾以之搭放兵餉及將來

南巡需用恐致不敷經署撫臣雅爾哈善咨明戶部將原停八爐於乾隆十五年照舊復設鼓鑄在案今御史陸秩奏請於

翠華臨幸之地截留銅筋增加鼓鑄經部議覆江蘇乾隆十二年鼓鑄奏銷案內開報現在實存節餘錢四萬三百餘串均未報部動用再加十三年以後至辛未年春約計所存餘錢共有十餘萬串毋庸將額解京銅再爲截留應將前項存貯錢文行令如數收貯以備應用再江蘇現在銅數充裕若再量爲增鑄備用更屬有益於現設爐座內酌量通融加鑄毋庸添爐以節浮費至屆期作何設局官賣之處應令斟酌妥辦務使錢價平減其沿途經過地方亦應預爲查辦等因奉

旨依議欽遵行文到

臣臣

伏查乾隆辛未年春恭

逢

聖駕南巡隨從辦事官員人役同時畢集而外府州縣紳士耆民心殷瞻仰亦必千里恭迎人口既多需錢自廣仰荷

聖恩洞鑒俯允部議行令籌辦

臣

查江蘇省乾隆

十二年鼓鑄奏銷案內原報存錢四萬三千三十三串零因十三四年減爐鑄錢不敷一歲搭放餉錢之用已將前項存錢統入乾隆十三十四兩年餉錢通融湊用現今截至乾隆十四年年底止實止存錢二萬三千六百一十九串零今乾隆十五年雖經復設八爐鑄錢但查搭放餉錢乃

皇上優恤兵丁之曠典前因減爐錢少是以減為間月一成搭放原經曉諭兵丁俟復設爐座之日照舊按每月一成搭放在案今既復設十六爐座餉錢亦應仍照舊例按月一成搭放共計一歲需錢八萬六千七百八十三串零以原設復設十六爐歲共出錢九萬五千

三百三十七串零計算僅存餘錢八千五百五十四串零加之舊存餘錢二萬三千六百一十九串零亦止存三萬二千一百七十三串零查江省境內

車駕經臨之處自北而南共有二十三州縣道路綿長需錢甚廣前項存錢實不敷用但若添爐鼓鑄未免又需建房添設爐具等項誠如部議致多浮費似應遵照部覆於現設爐座之內酌量通融加鑄庶爲允協隨經行據署

蘇州布政使和其衷議覆寶蘇局現設十六爐座正勤二十八卯之外酌再暫行加鑄八卯歲可得錢二萬七千二百三十八串零又查十六爐每歲應用工料價值向係支給錢文今應按照時價庫平給銀買辦又可節存錢二萬一千三百八十八串零連前存剩餘錢共可得錢八萬七百九十九串零以此分發

聖駕經由之各州縣仿照

巡幸東省之例設局委員官賣足可流通平價如
有餘剩留充下年搭放兵餉之用所需添鑄
銅鉛錫筋現有存局及委員採運足敷應用
此項所添八卯原爲十八串零數前

南巡暫時需用應俟乾隆辛未年卽行停止仍照

舊例二十八卯鼓鑄等情臣復加查核加卯

添鑄不增爐座旣省建屋製具之費而錢文

又得敷裕流通誠於公事有益除經飭令照

議妥辦一面咨明戶部外至屆期作何分派

設局官賣之處臣等自當籌酌妥辦務期錢

價平減以仰副

聖主念切民依之至意所有籌辦添鑄錢文緣由

理合恭摺

奏明是否有當伏祈

皇上睿鑒訓示遵行謹

奏乾隆十五年三月十四日奉

硃批知道了欽此

歲開徵應飭有司運弁旋徵旋兌徵完即可
兌完兌竣卽令開行均不許少有延捱如此
辦理可較往年趕早十數餘日凡可以催過
宿遷者上緊催趲速挽前進其不能催過宿
遷者亦不必預先指定灣泊之處蓋緣糧船
重大風有順逆惟在臨時相度擇地停泊迴
避或有帮船一時迴避不及者卽於河身寬
濶處所挨次停泊一邊恭候

御舟過後統令兼程遄行北上旣無擁擠之虞又
可不致遲逾仍將各帮迴避地方停泊日期
呈上報明漕臣咨部以備查考臣謹遵

旨酌議覆

奏至

大差應辦各項事宜半載以來臣等率同司道
盡心籌畫定有章程悉交各該知府率同有
司遵照辦理卽有尚須增減之處臣等不過
隨時妥酌似無遲悞所需騎坐馬匹亦已計
算停妥現有滿漢標營額馬儘可撥調足用

至安設塘站之馬亦有上下兩江驛馬通融
抽調如或不敷再於江西驛馬內酌量摘撥
應俟兵部行文至日即便如數派調惟需用
船隻數目難以預定但目今爲時甚早俟八
九月間臣等另行請
旨備辦亦可無悞合併

奏明伏祈

皇上睿鑒謹

奏乾隆十五年五月十九日奉

硃批覽奏俱悉欽此

兩江總督

臣

黃廷桂兩淮鹽政

臣

吉慶謹

奏為奏

聞事竊照明春恭值

聖駕南巡一切預備事宜欽奉

恩旨例應報銷者俱令動用公帑

臣

等督同總辦

奏司道逐一籌議如道路橋梁馬頭營尖茶棚

等類係例應報部者着動支藩庫錢糧

行宮名勝及附近上山道路并鋪墊陳設等類不

應報部者着動支運庫商捐銀兩均經分別

飭辦在案惟是地方官應辦之事甚多若不
為其區畫恐致擾累閭閻有辜我

皇上省方問俗至意是以臣吉慶前曾面

奏請將商捐項下撥銀十五萬兩交與藩庫帮
助地方官辦理差務仰蒙

恩允今臣等已撥銀五萬兩交與江寧藩庫撥銀
十萬兩交與蘇州藩庫令其酌量動用又河
務預備事宜亦需資辦理臣等公同商酌亦

撥給河庫銀二萬兩帮辦河工差務以免派
累凡動用藩庫錢糧者由巡撫稽核照例報
銷動用運庫商捐銀兩者臣與黃廷桂公同
稽核隨核隨登簿籍俟

聖駕回鑾臣等將用過數目奏

聞所有分別動項辦理及商捐項下撥銀十七萬
兩交地方官及河工帮辦差務緣由臣謹會
同黃廷桂恭摺奏

聞伏乞

皇上睿鑒謹

奏乾隆十五年七月十七日奉

硃批好知道了欽此

總理行營王大臣和碩莊親王臣允祿等謹

奏為遵

旨議奏事據總督倉場侍郎書山等奏稱恭查

聖祖仁皇帝南巡所乘船隻向係坐糧廳於天津收

貯船內預備

皇上明春巡幸江浙所有應用船隻自宜照例辦

理惟是冬春之交河冰未開此項船隻必須

於本年九月間先行駕赴宿遷庶可臨期備

用謹開船單恭請

皇上派出若干隻以便委員駕赴該處伺候仍令
地方官搭蓬苫蓋以蔽風雨所有外雇水手
及添換旗幟衣帽篙櫓等物容_臣另行查例
備辦等因奉

旨總理行營王大臣議奏欽此恭查從前

聖祖仁皇帝南巡所用船隻應坐糧廳承辦者俱令

於天津收貯船內預備今恭遇

皇上明春南巡該侍郎等以冬月河冰必須於本

年九月間先行駕赴宿遷開單奏請

皇上派出_臣等謹按單內所開

翔鳳艇一隻大沙飛船一隻新沙飛船一隻新

如意船一隻俱係

皇上乘坐及

御用之船自應先行駕赴其餘船隻有可減省者

亦有不必要帶往者_臣等公同酌議湖船普拉

船二項係在

御舟前行備用今於湖船三隻內酌用二隻普拉

船三隻內酌用一隻此外尚有佛船一隻四

執事船一隻清茶房船一隻又如意船二隻
看圍船二隻以上船隻南省備用甚易該督
撫等自必乘便預辦無庸於天津駕送以省
長途糜費再查此次駕赴南省船隻尚有應
帶威虎船六隻應令該侍郎等行文內務府
將應帶威虎船查交該侍郎等同

御船一并送住宿遷其應帶水手若干及添換旗
幟衣帽篙櫓等物亦令該侍郎等照例辦理
皇土務於九月內委員駕赴並行知江浙督撫令
其搭篷苫蓋及應預備佛船等項船隻敬謹
辦理可也伏候

諭旨謹

奏乾隆十五年八月十六日奉

旨御船但令將翔鳳艇一隻送去其沙飛如意船
亦不必駕赴餘依議欽此

水不心驚步於前也

百勝山合佛殿風鼓一妻去其心無唯

奏請到十五平八日十六日奉

兩江總督臣黃廷桂謹

奏為

其辭發苦蓋天無財前

兩江總督臣黃廷桂謹

奏為良本重辦取不靈苦益其武大飲併去取

大差需用船隻請開風香共一百一十六隻

旨勅議以便遵照備辦事恭照明春

聖駕南巡由東省入江南宿遷縣界至順河集

登舟一切

扈從大小官員及兵丁拜唐阿人等除屯駐宿

遷者不計外其隨

駕人員均當乘坐船隻查江南為商艘聚會之區

雇覓原自易易第需船之數目未定則多寡難以預備查江省河面船隻俱係太平沙飛如意馬溜等船乘坐行駛最爲穩快用以

扈從

御舟其先後疾徐頗爲便利至於江省原有額設號船以備裝載銅筋錢文等項并往來差使大之需今擇可備調用者共一百一十九隻但船身笨重挽運不靈若在長江大河行走原屬相宜若在內河使用篙槳跟隨

御舟恐所在遲滯阻塞河路殊有未便是此項官船止可酌撥以備渡江併裝載粗重什物聽其在後隨行之用其
扈從人員似應雇備民間太平沙飛如意馬溜等船方堪適用惟是所需船隻必得先將乘坐人數按船隻之大小差務之緩急預行分定庶將來預備多寡不致懸殊以免臨時周章謹將官民等號船隻名色寬長丈尺艙數另具清摺恭

呈

御覽應請

勅交總理行營王大臣將各項人員應用何號船隻若干派定數目開單行知以便遵照雇備

恭查

聖祖南巡各項船隻係雇覓預行撐至交界處所候用今所需各船亦應預為雇齊先期至順河集以備乘坐再查內河逼窄又無繞道御舟停泊之後船隻不便行走併請

勅交總理行營王大臣將某項官員人等應導引御舟之前某項官員人等應跟隨

御舟之後分別酌定一併行知以便臣等照單開前後將船隻於順河集依次擺列預備庶臨時散給前後不致參差而

大營左右均得整齊肅靜矣臣在揚州公同鹽臣吉慶與辦理總局司道等悉心籌酌意見相同謹會同鹽臣吉慶合詞恭摺

奏請伏祈

皇上聖訓遵行謹

奏乾隆十五年八月二十五日奉

硃批總理行營王大臣議奏欽此

南巡盛典卷一百七

奏議

總理行營王大臣和碩莊親王臣允祿等謹

奏從前

皇上臨幸圍場御馬駑馬在水草處牧放拉車騾頭係莊頭預備料豆鋤刀馬槽叵籬人夫喂養

巡行內地御馬駑馬並拉車騾頭亦照此辦理因內地寬狹不一亦當量其近便酌其可否安

插覓房圈養此次御馬駑馬並拉車騾頭覓房圈養亦應於近處尋房喂養乃離營迢遠在方順橋尋房圈養馬駑甚屬錯謬臣等會同院臣議得嗣後

皇上臨幸圍場應仍照從前辦理外如

巡行內地營盤左近雖有房屋亦不准佔應飭交

地方官將御馬並拉車騾頭於

皇營左近搭蓋尋常席篷圈養將駑馬設椿圈養所用鋤草料豆麥麩馬槽巨籬鐵鍋燒柴等

物俱先期量其敷用預備俟用完之日將此等什物交與放草官員查明照數交付地方官此次不及照依現議辦理應暫交地方官於營盤附近之處照舊指給房屋會同院員量其可否安插圈養謹

奏乾隆十五年九月初八日奉

旨知道了欽此

總理行營王大臣和碩莊親王臣允祿等謹
奏爲遵

旨議奏事尚書蔣溥奏預籌備貯一摺奉

硃批總理行營王大臣速議具奏欽此據稱來歲

江浙等處恭遇

翠華巡幸凡

扈從官兵人等需用等物應加籌畫查黑豆一

項江浙地方向不出產江南水次最近者莫

如山東該省上年秋成豐稔黑豆廣收價值

平賤民間餘蓄必多撥運江南取程甚便且官爲買運糶賣較之商賈販運貴賤判然仰請

勅下江浙督撫會同山東撫臣將如何採買撥運並運貯何處糶賣及將來作何歸還原欸之處作速商酌妥辦以期臨時濟用等語查明春恭遇

皇上臨幸江浙所有

扈從官兵人等馬匹應用黑豆事在必需自應預籌但隨

駕人員在浙江地方槩用船隻所乘馬匹俱留在紅花埠與山東境內相連所需黑豆隨地可以取給應令山東巡撫酌量運送沂州一帶以免價值昂貴至江浙地方需用無幾若東省撥運太多徒滋糜費或該處調集營馬有需撥濟之處應令江浙督撫酌用若干一面知會山東巡撫卽行撥運一面奏聞可也謹

奏請

旨乾隆十五年九月十六日奉

旨依議欽此

兵部謹

奏爲請

旨事查向例

皇上行幸各處一切往來本報事件俱由臺站接

遞馳送明春恭逢

聖駕南巡所有經由地方應照例安設臺站近據

山東巡撫準泰奏稱該省擬安正站十五處

腰站十五處需馬二千八百五十匹等因

臣

部現在另摺核議具奏其直隸江南浙江等

省作何安設之處未據該督撫等報部應請
勅交各該督撫遴委道府文員於嚮導大臣勘定
經由處所并各省交界接壤地方詳加妥酌
應於何處擬安正腰各站需用車馬船隻如
何調撥預備逐一妥議報部臣部派員前往
會同查勘安設至所安正腰各站需用坐臺
筆帖式領催等臣部照例派往馳送如臣部
筆帖式領催不敷照例行文各部院衙門選
送公同籤掣派往俟

回鑾之日捲撤可也謹

奏乾隆十五年九月十六日奉

旨知道了欽此

總理行營王大臣和碩莊親王臣允祿等謹
奏為遵

旨議奏事兩江總督黃廷桂兩淮鹽政吉慶覆奏
南巡船隻一摺奉
硃批總理行營王大臣速議具奏欽此據稱明春
南巡所有供奉

皇太后御舟

皇上御舟臣吉慶敬謹製竣又於本年現造之官
船內擇其輕便者敬謹裝修三隻以備應用

南巡盛典 卷一百一十七
至

扈從人員應需船隻數目前經奏請

勅議行知到日即便遵照備辦是各項船隻俱已預備其通州隨帶船隻如俟明年冰融開行勢必緩不及用若於今歲卽行南來又恐多費似可無庸隨帶等語臣查明歲恭遇

皇上南巡所有

御舟及應用船隻現據該督等奏稱俱已預備通州船隻似可毋庸隨帶等語查本年八月內

總督倉場侍郎書山等奏請酌送船隻經臣等定議奉

旨酌減僅送

御舟一隻普拉船一隻湖船二隻威虎船六隻其餘俱已停其駕送是通州船隻原未令其帶往以省糜費至前議所帶船隻俱係隨時應用爲數甚少目下河水未冰現在開行該督等所請可以無庸再議謹

奏請

旨乾隆十五年九月十七日奉

旨依議欽此

閩浙總督 臣 喀爾吉善署浙江巡撫 臣 永貴
謹

奏為奏

覆事乾隆十五年八月二十九日 臣 永貴於闈中

接准軍機處字寄內開乾隆十五年八月十

六日奉

上諭據總理行營王大臣等議奏此次南巡隨帶
船隻行令倉場衙門照議定之數預備一摺朕
思該督黃廷桂等現在辦差所有恭奉

皇太后御舟及乘用各船自必先期敬謹籌備卽朕御用之舟應令酌帶亦不必按照各項名目重複辦理着傳旨詢問該督等如彼處既經辦理妥協則通州帶往船隻無庸多備况南省原係一水可通之地若江省備船足用則自江至浙何須遞爲更換該撫永貴亦不必另行預備將此一併傳諭知之欽此又於九月初三日臣喀爾吉善接奉

寄總理行營王大臣和碩莊親王等奏摺一件

奉

旨御船但令將翔鳳艇一隻送去其沙飛如意船亦不必駕赴餘依議欽此臣恭照明春翠華南幸江浙二省應行會辦事宜臣等於上年冬間及今春進京

陛見路由江省業與兩江督臣黃廷桂兩淮鹽政臣吉慶等面爲商酌本年六月內又經准咨專委大員赴蘇會商集議所有自江至浙運河內供奉

御舟已擬由江淮直抵杭城需用

扈從船隻亦從江省雇備其浙省站民各船均
駕赴江省以備差遣一應人夫水脚等費兩
省仍各自按程給發報銷定議在案至於杭
州西湖錢塘江及紹興三處河道皆有閘壩
大江阻隔不通臣等謹於西湖恭備大小
御舟五隻錢塘江渡船一隻紹河
駐蹕大船二隻行駛小船一隻久經鳩工庀材敬
謹成造三處需用扈

蹕之船臨時另行雇募應用是各項船隻俱已有
備所有通州之船除已奉

旨派出翔鳳艇一隻之外臣等愚見似可無需多
帶所有臣等備辦船隻事宜理合繕摺

奏覆伏乞

皇上睿鑒爲此謹

奏乾隆十五年十月十九日奉

硃批知道了欽此

奏爲遵

總理行營王大臣和碩莊親王

臣

允祿等謹

旨議奏事侍郎兼管順天府府尹蔣炳等條奏籌
辦車輛事宜一摺奉

旨總理行營王大臣議奏欽此據奏准兵部以八
旗存京駝隻及

上駟院挑選駝共一百八十九隻尚不敷六百
餘隻行令預行僱車此項抵駝車輛請以一
車抵駝三隻請令附近之遵化玉田豐潤延

南巡盛典 卷一百一
慶等州縣協同辦理并令武備院等處先期
核定數目知照所有腳價草料銀兩請於部
庫支領等因又奏稱向來車輛每日給銀七
錢二分如遇

駐蹕之日每車日給草料銀五錢二分明歲

南巡至順河集卽登

御舟由江寧蘇杭會稽

回鑾至順河集計五十餘程約六十餘日所有車
輛若令在彼守候計需二萬餘金糜費無益

查八旗駝隻緣自河南回京不無疲乏是以
僱車抵駝若喂至明年三月臆力俱可滿足
應請於三月中旬空拉緩程至順河集等候
回鑾之用其抵駝車輛無庸在彼守候又江南之
王家營山東之臺莊濟寧等處向爲車輛聚
集之地就近僱辦亦屬便易所有

回鑾時內務府鑾儀衛需用隨營車輛應請
勅交各該撫轉飭該州縣等屆期僱備應用等語
查抵駝車輛原因自豫回京駝隻恐有疲乏

不敷明春之用是以該部行令該府尹等僱車抵算今查八旗駝共八百八十一隻此次巡幸河南共用駝八百一十八隻明歲用駝之處其數大畧相等再查八旗尚有存京駝六十三隻又有

上駟院駝隻途次復經添換雖自河南回京其中不無疲乏計回京後喂養兩月臙力自是滿足儘可敷用且由京至順河集不過一千數百里用以馱載亦不至於疲乏應令仍用駝隻以省僱車糜費所有抵駝車輛令該府尹等停止添僱至所奏一車抵駝三隻等條該府尹等原因籌辦抵駝車輛起見今既仍用駝隻可以無庸再議惟內務府鑾儀衛需用隨行車輛向來不過

駐蹕之日給與草料銀五錢二分今若長令守候亦多糜費該府尹等既稱王家營臺莊等處爲車輛聚集之所僱辦甚易應令隨行車輛至順河集不必守候需用之時卽就近僱辦

最為妥協但此項車輛向來俱係該府尹等
辦理若僅交與該省地方官僱辦恐有未諳
以致臨時貽悞應請將該府尹等

特派一員前往順河集會同各該督撫等董率地

方官指示稽查悉心備辦如蒙

俞允臣等即行知順天府并各該撫遵照辦理可

也謹

奏請

旨乾隆十五年十月二十三日奉

旨依議欽此

總理行營王大臣和碩莊親王_臣允祿等謹

奏_臣等議覆蔣炳等籌辦車輛摺內請

旨於該府尹等特派一員前往順河集辦理車輛
奉

旨依議欽此謹將該班府尹等職名開列恭候
欽點

侍郎兼府尹事蔣炳

順天府府尹顧汝修

乾隆十五年十月二十四日奉

旨著蔣炳去欽此

南巡盛典卷一百八

奏議

鴻臚寺謹

奏為請

旨事查定例凡遇

皇上行幸沿途地方文武官員百里內接送等語
來歲

皇上南巡所有沿途地方文武官員幾十里以內
接送之處謹

奏請

旨乾隆十五年十一月十二日奉
旨著三十里以內接送欽此

總理行營王大臣和碩莊親王臣允祿等謹
奏爲遵

旨議奏事恭照明春
皇上南巡江浙所有應行預備事宜令臣等定議
具奏伏查

皇上駕幸五臺嵩山等處曾經奏准派侍衛三班
前鋒護軍一千名其各處官員兵丁各就本
處差使酌量派往所需官馬由京全數散給
其大營尖營道路橋梁一應預備事宜交與

地方官照例預備隨往之官員兵丁等所需米糧柴草等項令地方官聚集商賈公平交易在案明春

翠華南邁遵

聖祖時巡之典慰臣民望幸之心問俗省方行慶施惠一切事宜仍循舊例但江浙二省自

聖祖仁皇帝巡幸以來歷今已數十年未邀

萬乘寵臨現在辦差及扈從官員人等俱未躬逢

盛典一應預備事宜若不議定章程恐致臨時有悞臣等公同酌議三吳兩浙帶水縈紆非平原陸路可比

皇上聖駕南巡羽衛固宜嚴肅若隨從官兵太多則舳艫相接綽挽不易必宜量爲酌減方可遄行無滯除扈從文武大臣等應行中途留住及隨往江浙已蒙

欽派此次自京起程時侍衛仍派三班其所派三班統於六班中揀選足額至兵丁應派八旗

六百名健銳營四百名共一千名但此次隨往兵丁中途應行減派其江浙一路又俱乘船行走健銳兵久不操練恐致生疎應請停其派撥所有兵丁統於八旗內遴派隨往其各處官員兵丁執事人等仍照例交各該處視其差使之繁簡酌量揀派至江南登舟時除差使緊要必應全行隨往外其各處官員人等一槩量爲酌減但取差使無悞而衙門執事足敷承應餘俱令其留住其前鋒護軍等兵減派五百名合之江寧迎

駕兵二百名共有七百名亦足備水營差使之用其章京視兵丁之數擬派四十員以資管轄虎鎗侍衛兵丁一百三十七員名內揀選四十員名以供虎鎗差使其餘侍衛入於三班侍衛數內兵丁入於前鋒護軍五百名數內一體揀派其備帶銀兩緞疋等項交與戶部內務府具奏備帶上船後祇須酌量敷用隨營載往所有應騎官馬人等按照應給馬匹

數目仍於京中全數給發俱先支與兩箇月
路費途間約計日期再行找給至江浙路程
往返雖有五千七百餘里而由京至江南登
舟旱路不過一千四五百里且馬匹俱應留
住喂養儘足歇息毋庸再行更換隨
駕大臣官員應領明年春季俸銀俱於今冬十二
月內先行支放以便料理行裝至

皇太后

皇上旱路劄營所需大城蒙古包帳房等項俱照
今秋河南之例帶往二分工部應備黃城椿
樞等項亦令照例帶往所用駝隻及茶膳房
等處應需駝隻車輛交與各處照例預備
皇上至徐家渡過河至直隸廠地方留駐旱營一
日

閱視高堰堤工所用大城蒙古包帳房等項應先
期運往劄營等候至

皇上登舟後照臣等減定之數帶往隨行之大臣
官員等駝隻馬匹等項亦俱不必過河令與

留駐之官兵一體留駐仍着總管大臣哈達哈等加意管束並酌量於黃河迤北寬曠處所或分作二處或合住一處安靜等候毋許稍有滋擾至

皇上回鑾時總管大臣率領留住官兵於就近地方恭迎

聖駕其留住官兵之馬匹自行拴養外隨往江浙人等所領官馬或交與留駐之人托其代喂或伊等各留家人照管聽其自便官用駝隻

交與山東巡撫分給附近各州縣及綠旗官弁等喂養俟

皇上回鑾時先期趕赴等候總管大臣會同兵部照數散給其回京所用車輛前經臣等議奏奉

旨派出侍郎蔣炳前往會同該地方官經理僱備自可無悞再查徐家渡至直隸廠

閱視堤工自小五臺至揚州平山堂高旻寺等處由錢家港至江寧府由蘇州至靈巖鄧尉虎

邱等處由杭州至西湖由紹興至禹陵南鎮等處俱係旱路應需馬匹除

皇上所乘御馬用船載往一切必應隨帶官物交與該督撫等預備人夫擡運隨從人等所需馬匹康熙年間皆取用於地方每大臣一員給馬五匹章京侍衛官員等每員給馬三匹護軍緊要執事人等每人給馬二匹其餘人等每二人給馬三匹現在江南浙江二省駐防官兵所拴官馬共九千八百餘匹綠營六千八百餘匹驛馬三千九百餘匹除驛馬應酌留一半以供驛遞差使外合計共有一萬八千七百餘匹此次隨往江浙大臣三十三員章京侍衛官員等六百一十一員拜唐阿兵丁等二千五百五十九名合計需馬六千六百九十餘匹除自錢家港至江寧自杭州至西湖自紹興至禹陵等處所需馬匹均應全數散給其由徐家渡至直隸廠旱營由小五臺至揚州平山堂高旻寺由蘇州至靈巖

鄧尉虎邱等處非係緊要差事必須隨往者俱可留於舟次不必全行此三處所需馬匹俱應減備十分之四約計備馬四千匹卽可敷用應交與江浙督撫及京口杭州將軍等於旱路應散馬匹之處照數預備在就近地方散給每馬十匹之外仍多備一匹以便臨時添用其散給馬匹時交與領侍衛內大臣兵部會同分派至上船交馬後該地方文武官卽將馬匹由陸路趕至前途通融預備或分作二起輪流更替應付交與該督撫酌量辦理其官員兵丁人等隨身行裝等物有應用人夫擡運者俱令地方官聚集民夫聽其自行僱用再查總督黃廷桂等奏請

聖駕南巡隨從人等需用船隻數目應備若干并何項人員於

御舟前後何處行走之處請分別定議預行知會遵照備辦等因一摺奉

硃批總理行營王大臣等議奏欽此

臣等公同酌

南巡盛典 卷一百八
議此次隨往江浙官兵人等雖經大加酌減
若所用船隻稍令寬裕猶恐擁擠難行擬將
派出之一品大臣三員二三品大臣九員及
御前大臣領侍衛內大臣等四員

御前乾清門行走大臣十二員鑾儀衛武備院堂
官四員或每員給船二隻或給船一隻均按
其品級分別給與其侍衛官員等或每二三
人給船一隻或每四五人給船一隻拜唐阿
兵丁人等或每八九人給船一隻或每十數
人給船一隻皆酌量其差使之緩急行檔之
分合船隻之大小分別勻派除裝載物件之
便民船二十五隻外統計共需沙飛馬溜船
四百四十一隻即可敷用仍令每船十隻之
外多備一隻以便臨時添補之用現在該省
或有預備多餘船隻俱卽令其各覓生理不
必守候屆期仍請特派大臣二三員前往會
同兵部及地方官經理其事先期各給印票
按照派定船數一一散給如有不遵定數擅

行搶奪者卽行叅處至所派船隻頭號者居多或有不敷准其大小酌量抵算通融乘坐其各項船隻行走先後次序

御前大臣領侍衛內大臣軍機大臣

御前侍衛

乾清門侍衛皆係

皇上親近侍從之臣其船隻應在

御舟之前上駟院侍衛官員人等皆有伺候馬匹

差使其船隻應與裝載

御馬船隻一併在前行走批本奏事軍機處侍衛

處內閣兵部官員等皆係承辦緊要事件之員亦應令其在前行走其餘大臣侍衛官員等船皆照舊例在後行走若有承辦事件必應在前行走之處俱令臨時自行奏請再管理

御舟及稽查各項人等船隻應需專管之人俟臨時奏請於隨從之大臣內派出一二員協同護軍統領等專司管理凡各項船隻行走及

南巡盛典 卷一百八
十
停泊之時各按派定次序毋令擁擠再查

皇上由江南舟行至浙江應用緯夫已經遵

旨傳諭江南河道總督及江浙督撫令於河兵內

撥用該督等自應遵照辦理臣等毋庸另議

至

皇上駐蹕行營隨從官兵除應行該班值宿外其餘官員人等如離水次在十里以內者俱令

仍回各船住宿若離水次甚遠令地方官於

附近寺院歇店及民間原有之空閒房屋酌

備數處以便住宿不許佔住民房以致滋擾

再隨從官兵所需米糧柴草等項俱交與直

隸山東督撫於

駐蹕之處廣聚商人貿易不許在京客販隨營賤

買貴賣并令提督衙門及該地方官嚴行查

拿至登舟之後所需物件若往各村市購買

未免往返阻滯應交與江浙督撫等派地方

官招集商販於行營左近公平售賣至於黑

豆一項前據尚書蔣溥所奏經臣等議令山

南巡盛典 卷一百八
東巡撫酌量採買運送沂州一帶以免價值昂貴至江浙地方需用無幾或有應行撥濟之處令咨明東撫撥運等因奏准在案現據準泰奏稱酌買黑豆三萬石運貯沂州一帶以供東省支糶再買二萬石運貯臺莊水次以備接濟江浙聽其委員領運其留養馬匹並酌買麩草高糧以備支糶等語奉

硃批總理行營王大臣等議奏欽此查該撫所奏酌買黑豆運貯沂州等處分別支糶接濟之處與_臣等原議相符應如所奏辦理其留養馬匹所需麩草高糧亦應如所奏令其酌量數目預期購買運至官兵留住處所以備支糶統於事竣歸還原款所有經過地方大營尖營及舟行水營井道路橋梁一切應行預備之處俱著直隸山東江浙各督撫照例辦理又_臣等伏查從前原議

皇上至順河集登舟由水路至徐家渡過河是以_臣等於議覆蔣溥蔣炳等條奏豆石車輛摺

內俱卽照此定議今該督黃廷桂又奏請將
順河集迤南三站繚路改爲

御路由旱道至徐家渡過河等語雖據稱商之兆
惠等亦以爲然但是否果屬妥協應俟兆惠
等回京之日奏明請

旨遵行如有應行改辦事宜臣等再行定議可也
臣等愚見如此恭候

聖訓俟
命下之日交與各該處照議預備所有酌定隨往

江浙人數及應備船隻馬匹數目另繕清單

進

呈謹

奏請

旨乾隆十五年十一月十三日奉

旨依議欽此

閩浙總督

臣

喀爾吉善署浙江巡撫

臣

永貴

謹

奏爲據實陳明仰祈

聖鑒事乾隆十五年十月十八日接准部咨欽奉
上諭朕明春巡幸江浙所過道路橋梁該地方官
現在以次預備應遣嚮導大臣覆加查看著兆
惠努三就近自開封府馳驛前往并傳諭該督
撫等一切供頓料理務從簡樸毋得徒尚紛華
以致糜費欽此

臣

等欽遵卽自省前往交界會

同嚮導大臣查看於十月二十九日嚮導大
臣兆惠努三抵浙界臣等迎赴前途跪請

聖安後兆惠密將面奉

諭旨備細宣示臣等一一跪聆訖兆惠努三復將

沿途道路橋梁各項俱應聽從民便不必過
於開廣經由街市止須打掃潔淨不可動民
房寸椽片瓦告知臣等臣等即會同兆惠努
三聯銜出示宣布省事便民之

聖心咸使知曉隨順道查看於初一日抵省徧閱

各處

行宮景亭并西湖

御舫即渡江閱看紹郡道路暨營盤

御舟事宜畢旋省即於初八日起程回京復

命臣等恭查浙省自蒙

聖恩俯順輿情

翠華臨幸臣民無不踴躍急公願效子來之義臣

等凜遵

聖訓凡有應行修建工程與應預備什物事事委

員動支公項擲節辦理卽如省城各項工匠因部定日給工價實不敷匠夫日食曾經奏明照民間之例增給仰邀

睿鑒俞允浙省實無科歛民財以致糜費情事至於一應工程浙省現任各員與閩省調來各員領銀承辦各員皆志切急公倍求堅固整飭自願捐資加工承辦者有之臣等因其出於奉公敬事之誠加以獎勵俾抒誠悃其沿塗修做道路

營盤有必需藉用民力之處鄉民皆荷鋤舉鋪踴躍赴工臣等尚令地方官各給與飯食之資不令枵腹從事此皆浙省辦理之實在情形也至浙省預備修整之道路

營盤綵牌綵亭等項臣等因杭嘉二郡遍地桑麻惟恐有礙民業道路止就舊有緯路平治並未開闢寬廣其看定

營盤處所有用民地修築者量其所獲花利按畝償給俾免失業沿途綵牌綵亭等項屢據

南巡盛典 卷一百八
士民呈請欲效巷舞衢歌之意臣等恐過於糜費但令就城市總滙處所間或搭蓋業經附摺奏

聞惟是輿情難以槩行禁遏致伊等踴躍怵舞之忱無由上達臣等惟當剴切曉諭士民切勿過於華麗繁多以仰副我

皇上崇儉斥奢之至意再杭城內外兩處

行宮前經臣永貴在京

陛見面奉

諭旨與大學士忠勇公臣傅恒會商繪定圖式恭

呈

聖覽遵卽回浙與臣喀爾吉善遵照會辦雖現在

一切規模制度悉照原圖而房間門戶以及進深寬濶丈尺不無因地制宜稍爲變通處所現已將次告竣所有臣等欽遵

聖訓并浙省實在情形謹繕摺具

奏至現在辦理情形未盡事宜臣等均已詳悉告知嚮導大臣兆惠矣合并陳明伏祈

聖鑒訓示謹

奏乾隆十五年十一月十五日奉

硃批覽奏俱悉欽此

鑾儀衛謹

奏恭照明春

皇上南巡經總理行營王大臣議奏內稱

御前大臣領侍衛內大臣軍機大臣

御前侍衛

乾清門侍衛皆係

御前隨

皇上親近侍從之臣其船隻應在

御舟之前

上駟院侍衛官員人等皆有伺候馬匹差使其
船隻應與裝載

御馬船隻一併在前行走批本奏事處軍機處
侍衛處內閣兵部官員等俱係承辦緊要事
件之人亦應令其在前行走如有承辦事件
必應在前行走之處俱令各該處臨時自行
奏請等語查臣衙門隨從轎輿係預備
皇上內廷并下船上岸之用所有儀仗必須臣在
前排設於早晚仍行奏樂更鐘每在

御營內預備務須在前行走始可無悞如今在後
行走船隻甚多擁擠一處不能無悞伏乞將
臣衙門隨從轎輿儀仗樂器更鐘等項并執
事人等船隻亦與

上駟院官員等一例在前行走爲此謹
奏乾隆十五年十一月二十四日奉
旨知道了欽此

南遊錄卷一百八
三

